

La farmacia Pütia a Picolin é stlütta dai 18 ai 25 de jügn.

La doturia Grete Mahlknecht é demez dai 27 ai 30 de jügn y vëgn sostituida dal dotur Eduard Agreiter 333 13 80 852

La doturia Grete Mahlknecht sará spo demez döt le mëis d'agost; chë che la sostituësc gnará comuniché plü inant.

SAN MARTIN

N gran dilan dantadöt a siur Heinrich y a döttes les uniuns y les porsones che á a val' manira contribuí da fá plü bela y solëna la prozesciun dles Antlés.

Incö festa dl Cör de Gejú vëgnel bel invié ala prozesciun sö La Crusc dales 13.30 dala Cialciara demez.

LUNGIARÜ

Incö, festa dl Sacher Cör de Gejú, tignunse do mëssa la prozesciun eucaristica cun dui vangeli. I periun döttes les uniuns da porté - sciöch'al é usanza - statues, bandires y i.i. do l'ordin sön la plata injuntada. I sun düc dër bel invíá da porté pro che la prozesciun garetes.

I seniors y les seniores da Lungiarü é düc dër bel invíá ala spazirada dla Uniuin "VÍ-Vaciara-Seres" en sabeda ai 24 de jügn. I s'incuntun dales 09.00 dan le Sanví y jun cun l'auto cina sön Trou sura Ví. *(I ciarun da se mëte adöm tan che ara vá!)* Sön Vaciara stunse a marëna. Domisdé junse cina jö Seres y storjun pro a se la cunté pro na picia marëna *(che la Uniuin paia)*. *Tolésse do les mazes da jí plü saurí!*

Ciasa de Palsa Ojöp Frëinadamez: da novëmber 2023 inant é la poscibilité da fá la formaziun da operadú/ëssa sozio-sanitar/a (Pflegehelfer/in) te un n ann. La formaziun vëgn organisada dal'Assoziaziun dles Ciasas de Palsa de Südtirol y vëgn tignida a Toblach. Por s'informé sön chësta poscibilité, vëgnel organisé na sëra d'informaziun tla Ciasa de Palsa a San Martin, en jöbia, ai 22 de jügn, dales 19.30. Al sará presënc Valentin Erlacher, diretor, che portará dant les condiziuns de cornisc dla formaziun y la poscibilité de contrac. Cecilia Hochwieser, responsabla tecnica dl'assistënza mostrará sö le decurs dla formaziun y di practicums. Laura Rindler, studënta che fej atualmënter chësta formaziun, cuntará de süa esperiënza y mostrará sö co che les leziuns y i practicums é struturá. Al é preodü da ciagé n contrat de laur pro la Ciasa de Palsa da San Martin olache la formaziun, che é debann, pó gní fata tratan l'orar de laur. La sëra d'informaziun y la formaziun é ponsada por jogn y jones mo ince por ëi y ères che oréss mëte man na esperiënza de laur nöia.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

18.06. - 25.06.23 n. 30

ultimo termo por comunicaziuns: jöbia, dales 20.00


FESTA DL CÖR DE GEJÚ - ann A

Vangele do san Matí 11, 25-30

Te chël tēmp à Gejú dit: I t'aprijëi, Pere, Signur dl cil y dla tera, cíodiche döt cant chësc ti aste ascognü ai sapiënc y ai scicà y ti al as revelè ai picì. Scê Pere, insciö t'àra plajü. Döt m'è gnü surandè da mi Pere; degügn ne conësc le Fi, mâ le Pere, y degügn ne conësc le Pere, mâ le Fi y chël, a chël che le Fi ti l'ò revelè. Gnide düc da mè, os ch'i se cruziëis y ch'i èis tröp da portè. Iö ves darà palsa. Toledè mi ju sön os y imparedè da mè; deache iö sun bun y umil de cör; insciö ciararëise tria por osta anima. Deache mi ju ne drüca nia y mi pëis é lisier.



I viun te n tēmp de esperc. Por döt ci che nes capitëia tla vita é porsones espertes che sá da nes splighé y aconsié, che nes pita soluziuns y aiüc de vigni vers, 24 ores sön 24, y i pó ti surandé mia vita y speré ch'ai sais da daidé. I ti lasci rovëne a d'ei mia vita, speran ch'ara garetes. Gejú deperpo ne se stancia nia tl vangele da incö da invié la jënt, cun sües parores y sües operes, da avëi crëta te ël y te Chël Bel Dì. "Gnide düc da mè, os ch'i se cruziëis y ch'i èis tröp da portè. Iö ves darà palsa. Toledè mi ju sön os y imparedè da mè; deache iö sun bun y umil de cör; insciö ciararëise tria por osta anima. Deache mi ju ne drüca nia y mi pëis é lisier." Gejú á vit cun nos y sintí le pëis dles crusc cina ite tla scurité dla mort. Süa sapiënza y süa solidarité ne conësc degügn confins. Al n'ò nia ch'i se lasciunse rovëne nosta vita da d'atri, mo ch'i viunse nosta vita che Idí nes á scinché, cun ligrëza y dilan, sigüsc che Idí ne nes lascia nia tomé fora de sües mans. Te Deum

EDEMA - ANN "A"	SAN MARTIN	LUNGIARÜ	Alianza cun le Cör de Gejú
18.06.23 FESTA DL CÖR DE GEJÚ	9.45 Devoziun al Cör de Gejú 10.15 Mëssa solëna por la comunité en onú dl Sacher Cör de Gejú cun benedisciun dl tēmp 2 ^a de sopolt. + Giovanni Unterweger + + siur Merch Graf. y siur Angel Morl. + Benno Costabiei, Porsenú + Paul y Frida Vantsch + + fam. Trebo, Tasser + Paola Paraza Pedevilla 13.30 Prozesciun ex voto sö La Crusc dala Cialciara demez	7.50 Corona 8.15 Mëssa solëna por la comunité en onú dl Sacher Cör de Gejú + Carlo Planatscher vis y def. de Paul y Oliva Prozesciun Eucaristica 15.00 Corona tla capela de S. Ojöp Fr.	<p>Dal liber dl profet Ieremia (32,33) <i>Insciö dij le Signur:</i> <i>Chësta sará l'alianza, ch'i stlùji jö cun os:</i> <i>I mëti mia lege ite te os y la scrii sö te osc cör. Iö sará osc Dì, y os sarëis mi popul.</i></p> <p>Signur Gejú Crist, por to amur ala jënt este diventé porsona umana. Te döt cant, ater co tl picé, aste partí cun nos la vita. Mantignin tüa fedelté tl amur cina ala mort, aste despaié jö cun tüa crusc y tüa pasciun nosta colpa.</p> <p>To cör davert é la fontana da chëra ch'al rogor le sanch dl'alianza nöia y l'ega dla vita.</p> <p>A te s'á afidé nüsc peri y tö i as delibré da de gran tribulaziuns. Porchël gnunse plëgns de confidënza da te y te periun:</p> <p>Oj to amur ince sön nos. Dasse la forza da se tigní a tüa alianza che nes liëia a te. Benedësc nos, nostes families y nosta tera. Renfórzesse söl tru dl bëgn y dëidesse scombate le mal. Fá ch'i podunse te sorví tla iustizia y tla pesc.</p> <p>Dásse to Spirit ch'i laurunse y mantignunse do tüa orenté la tera che te nes as scinché por patria, ch'i viuunse tla fede y ch'i la dunse inant sciöche arpejun preziosa a nüsc descendënc.</p> <p>Do chësc te periunse por l'amur de to cör, a chël ch'i s'afidun ségn y por l'eternité. Amen.</p> 
19.06.23 <i>Romuald, Iuliana</i> Lönesc			
20.06.23 Dedolönesc <i>Adalbert, Margareta</i>	8.00 Mëssa + Berta Kofler Decassiani + Ida Dariz		
21.06.23 Dedemesaledema <i>Lovije da Gonzaga, Alban</i>		7.30 Mëssa a d'intenziun + Sepl Clara, Sanví dl ann + Maria Daporta, Grones +++++ Giovanni, Sabina, Franz y Oliva Clara	
22.06.23 <i>John F. y Thomas M.</i> Jöbia			
23.06.23 <i>Edeltraud, Agripina</i> Vëndres	18.30 Adoraziun chîta 19.00 Adoraziun deboriada		
24.06.23 Sabeda <i>Nadé de San Jan Batista, Ivan</i>	18.30 Mëssa prefestia en onur de San Jan Batista fam. Frida Videsott + Giovanni Pescoller + + Giovanni y Maria Verginer (dl ann)		
25.06.23 12^a Domënia - Ann A	9.00 Corona por + Giovanni Unterweger 9.30 Gran Mëssa por la comunité cun benedisciun dl tēmp de rengraz. fam. Pepi y Romi Dejaco 3 ^a de sopolt. de + Giovanni Unterweger + Teresa Pedevilla Flöss	7.50 Corona por + Sepl Chiusura 8.15 Liturgia dla Parora cun benedisciun dl tēmp 15.00 Corona tla capela de S. Ojöp Fr.	